



SLUŽBENI GLASNIK OPĆINE KALESIJA

Godina: LVIII

Srijeda, 08.03.2023.godine
KALESIJA

Broj: 2

OPĆINSKO VIJEĆE

25

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst (“Sl. glasnik općine Kalesija”, broj 6/08, 10/11 i 9/16), Općinsko vijeće Kalesija, na 3. vanrednoj sjednici, održanoj dana: 09.02.2023. godine, donijelo je slijedeći

Z A K L J U Č A K

I

Da se sa tekuće bužetske rezerve izdvoje i uplate sredstva u iznosu od 20.000,00 KM kao pomoć Republici Turskoj na ime saniranja šteta nastalih usljed razornog zemljotresa, koji je pogodio jugoistok zemlje dana 06.02.2023. godine.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-04-2-578/23
Datum, 09.02.2023. godine

PREDSJEDAVALA
OPĆINSKOG VIJEĆA

Damir Džafić dipl. ecc. s.r.

26

Na osnovu člana 8. i čl. 13. Zakona o principima lokalne samouprave („Službene novine Federacije BiH“, broj 49/06 i 51/09) i člana 42. Statuta općine Kalesija - Prečišćen tekst (“Službeni glasnik općine Kalesija”, broj 10/07, 7/08, 10/11, 3/12 i 6/13), na prijedlog Općinskog Načelnika, Općinsko vijeće Kalesija dana 23.02.2023. godine, d o n o s i

ODLUKU

**o pogodnostima za investiranje na području
općine Kalesija za građenje
poslovnih i proizvodnih objekata**

Član 1.

Ovom Odlukom se utvrđuju vrsta pogodnosti-poticaja za investiranje na području općine Kalesija za građenje poslovnih i proizvodnih objekata, visina pogodnosti i način ostvarivanja pogodnosti te poduzimanje drugih mjera radi privlačenja investicija i povećanje broja zaposlenih na području općine Kalesija.

Član 2.

(1) Investitori pravna i fizička lica svih vrsta poslovnih i proizvodnih objekata, objekata za kolektivno stanovanje namijenjenih za tržište (osim investitora elektroenergetskih objekata, pošte i telekoma, investitora kablovske televizije), koji grade na teritoriji općine Kalesija, na zemljištu sa pravom građenja ili na zemljištu u privatnom vlasništvu stječu pravo na poticaj-pogodnosti u vidu isplate novčanih sredstava :

- a) za gradnju poslovnih i proizvodnih objekata do 100,00 m² neto građevinske površine u iznosu od 30 % naknade koja se obračunava za rentu i naknadu za uređenje gradskog građevinskog zemljišta;
- b) za gradnju poslovnih i proizvodnih objekata od 100,01 - 200,00 m² neto građevinske površine u iznosu od 50 % naknade koja se obračunava za rentu i naknadu za uređenje gradskog građevinskog zemljišta;
- c) za gradnju poslovnih i proizvodnih objekata od 200,01 - 500,00 m² neto građevinske površine u iznosu od 70 % naknade koja se obračunava za rentu i naknadu za uređenje gradskog građevinskog zemljišta i
- d) za gradnju poslovnih, proizvodnih i objekata za kolektivno stanovanje namijenjenih za tržište preko 500,00 m² neto građevinske površine u punom iznosu (100%) visine naknade koja se obračunava za rentu i naknadu za uređenje gradskog građevinskog zemljišta.

(2) Investitori iz člana 2. stav 1. ove Odluke stječu pravo na pogodnosti ako:

- a) objekte neto građevinske površine do 100,00 m² sagrade i za njih pribave odobrenje za upotrebu u roku od dvije godine od dana izdavanja odobrenja za gradnju, odnosno izmijenjenog ili dopunjenog odobrenja za gradnju.

- b) objekte neto građevinske površine veće od 100,00 m² sagrađe i pribave za njih odobrenje za upotrebu u roku od pet godina od dana izdavanja odobrenja za gradnju, odnosno izmijenjenog ili dopunjenog odobrenja za gradnju.
- (3) Investitor koji ostvaruje pravo za poticaj po ovom osnovu podnosi zahtjev Službi za privredu i budžet Općine Kalesija, uz koji prilaže ovjerene kopije:
- Pravosnažnog rješenja o obračunu naknada za rentu (pogodnost lokacije) građevinskog zemljišta i Pravosnažnog rješenja o visini naknade za uređenje građevinskog zemljišta;
 - Pravosnažnog rješenja Odobrenja za gradnju objekta ili Pravosnažno Rješenje o naknadnom odobrenju za izgrađeni objekat
 - Pravosnažnog rješenja o odobrenju za upotrebu objekta.

Član 3.

- (1) Investitori iz člana 2. stav 1., stječu pravo i na poticaj u vidu oslobađanja naknade za korištenje gradskog građevinskog zemljišta i komunalne naknade, za parcelu na kojoj gradi objekt, u periodu od pet godina od dana pribavljanja pravosnažnog Rješenja o odobrenju za upotrebu objekta.
- (2) Investitor koji ostvaruje pravo za poticaj po ovom osnovu podnosi zahtjev Služba za komunalne poslove i civilnu zaštitu Općine Kalesija uz koji prilaže, ovjerene kopije:
- Pravosnažnog rješenja Odobrenja za gradnju objekta;
 - Pravosnažnog rješenja o odobrenju za upotrebu objekta.

Član 4.

- (1) Utvrđivanje prava na pogodnost-poticaj iz člana 2. ove Odluke vrši Služba za privredu i budžet Općine Kalesija, donošenjem Rješenja.
- (2) Utvrđivanje prava na pogodnost-poticaj iz člana 3. ove Odluke vrši Služba za komunalne poslove i civilnu zaštitu Općine Kalesija prilikom donošenja Rješenja o utvrđivanju komunalne naknade, odnosno donošenja Rješenja o naknade za korištenje gradskog građevinskog zemljišta.

Član 5.

Investitori koji su sagradili objekat bez odobrenja za građenje, te naknadno pribavili rješenje o legalizaciji bespravno izgrađene građevine po Zakonu o uvjetima i postupku legaliziranja bespravno izgrađenih građevina analogno se

primjenjuje pogodnosti za investiranje propisane ovom Odlukom.

Član 6.

Pogodnosti iz ove Odluke mogu ostvariti investitori koji su pribavili odobrenje za gradnju, odnosno izmijenjeno ili dopunjeno odobrenje za gradnju nakon 08.03.2018. godine.

Član 7.

Pored navedenih pogodnosti, Općina Kalesija će poduzimati mjere u cilju stvaranja povoljnijih uslova za realizaciju investicija od strane fizičkih i pravnih lica usmjerenih na građevinsko zemljište koje se nalazi u obuhvata planiranih industrijskih zona odnosno zoni regulacionih planova na području općine Kalesija a koje je pod zakupom kao poljoprivredno zemljište.

Član 8.

- (1) U slučaju pojave investitora sa zahtjevom za realizaciju investicija na zemljištu iz čl.7. ove Odluke, a za koje se procijeni da su od interesa za općinu Kalesija, Općina će putem nadležne Službe poduzeti mjere, te posredovati kod zakupca i Ministarstva poljoprivrede, vodoprivrede i šumarstva Tuzlanskog kantona, u cilju raskida konkretnog ugovora o zakupu.
- (2) Za zakupca državnog poljoprivrednog zemljišta općina Kalesija će u skladu sa propisanom procedurom utvrditi visinu izvršenih ulaganja te visinu eventualne štete koju je zakupac pretrpio usljed raskida ugovora o zakupu.
- (3) Sporazum o uređenju međusobnih odnosa sa zakupcem državnog poljoprivrednog zemljišta, u ime Općine će zaključiti Općinski načelnik, a utvrđene obaveze plaćanja prema zakupcu izvršiti će se na teret budžeta Općine Kalesija.

Član 9.

- (1) Ova Odluka stupa na snagu danom objavljivanja u "Službenom glasniku Općine Kalesija".
- (2) Danom stupanja na snagu ove Odluke stavlja se van snage Odluka o pogodnostima za investiranje na području općine Kalesija za građenje poslovnih i proizvodnih objekta ("Službeni glasnik općine Kalesija" br.4/18, 2/20 i 7/22).

Bosna i Hercegovina
Federacija Bosne i Hercegovine
Tuzlanski kanton
Općina Kalesija
Općinsko vijeće
Broj: 01-04-2-772/23
Datum: 24.02.2023.godina

PREDSJEDAVAJUĆI
OPĆINSKOG VIJEĆA

Damir Džafić, dipl.ecc. s.r.

27

Na osnovu člana 9. st. 2 Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH”, broj 12/03, 34/03 i 65/13), člana 38. stav 3. Zakona o pravobraniteljstvu („Službene novine Tuzlanskog kantona”, broj 4/04, 5/08, 2/14 i 4/18), člana 10. Odluke o osnivanju Općinskog pravobranilaštva Kalesija („Službeni glasnik Općine Kalesija”, broj 4/14 i 6/18), Odluke o raspisivanju javnog oglasa, postupku i utvrđivanju uslova i kriterija za imenovanje Općinskog pravobranioca u Općinskom pravobranilaštvu Kalesija (“Sl. glasnik općine Kalesija” br.9/22) i člana 42. Statuta općine Kalesija - Prečišćeni tekst (“Sl. glasnik općine Kalesija” broj 10/07, 7/08, 10/11, 3/12 i 6/13), Općinsko vijeće Općine Kalesija, na sjednici održanoj 23.02.2023. godine, donosi

O D L U K U

o imenovanju Komisije za imenovanje Općinskog pravobranioca u Općinskom pravobranilaštvu Kalesija

Član 1.

U Komisiju za imenovanje Općinskog pravobranioca u Općinskom pravobranilaštvu Kalesija (u daljem tekstu „Komisija“) imenuju se:

1. Ibrahim (Ibro) Omerović-predsjednik
2. Senad (Esad) Šmigalović-član
3. Zijad (Šaban) Kulanić-član
4. Merima (Jusuf) Hasanović-član
5. Mirsudin (Halid) Skopljaković-član

Član 2.

Zadatak Komisije je da u skladu sa odredbama Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH”, broj 12/03, 34/03 i 65/13), Odluke o osnivanju Općinskog pravobranilaštva Kalesija („Službeni glasnik općine Kalesija”, broj 4/14 i 6/18) i Odluke o raspisivanju javnog oglasa, postupku i utvrđivanju uslova i kriterija za imenovanje Općinskog pravobranioca u Općinskom pravobranilaštvu Kalesija, u provođenju postupka imenovanja Općinskog pravobranioca u Općinskom pravobranilaštvu Kalesija:

- sačini i javno objavi tekst javnog oglasa za imenovanje Općinskog pravobranioca u Općinskom pravobranilaštvu Kalesija,

- izvrši otvaranje i pregledanje prispjelih prijava kandidata,
- utvrdi listu kandidata koji ispunjavaju opće i posebne uslove javnog oglasa,
- sastavi listu sa užim izborom najboljih kandidata koji ispunjavaju kriterije za imenovanje
- pozove i obavi intervju sa svim kandidatima koji su ušli u užu izbor
- nakon intervju sačini konačnu rang listu najuspješnijih kandidata i istu zajedno sa informacijom o radu dostavi Komisiji za izbor i imenovanje općinskog vijeća Kalesija,
- pripremi odgovor po prigovorima na konačno imenovanje.

Član 3.

(1) Naknada predsjedniku i članovima za rad u Komisiji utvrđuje se u iznosima kako slijedi:

1. predsjednik.....150,00 KM,
2. član.....100,00 KM

(2) Odluku o isplati naknade iz stava (1) ove Odluke donijet će Općinski načelnik.

Član 4.

Odluka stupa na snagu danom objavljivanja u „Službenom glasniku Općine Kalesija“.

Bosna i Hercegovina

Federacija Bosne i Hercegovine

Tuzlanski kanton

Općina Kalesija

Općinsko vijeće

Broj: 01-04-2-770/23

Datum, 24.02.2023.godina

PREDSJEDAVAJUĆI
OPĆINSKOG VIJEĆA

Damir Džafić, dipl.ecc. s.r.

28

Na osnovu člana čl. 13. Zakona o principima lokalne samouprave („Službene novine Federacije BiH“, broj 49/06 i 51/09), člana 42. Statuta općine Kalesija - Prečišćen tekst (“Službeni glasnik općine Kalesija”, broj 10/07, 7/08, 10/11, 3/12 i 6/13), na prijedlog Općinskog Načelnika, Općinsko vijeće Kalesija dana 23.02.2023. godine, donosi

O D L U K U

o kriterijima i načinu dodjele finansijske pomoći licima na ime uginuća stoke

Član 1.

Ovom Odlukom utvrđuju se kriteriji i način dodjele finansijske pomoći, za koju su planirana novčana sredstva na Ekonomskom kodu 614414 - Podrška razvoju poljoprivrede, licima na ime uginuća stoke i to:

1. Uginuće krave ili bika
u iznosu od.....238,00 KM/grlu
1. Uginuće konja/kobile u
iznosu od.....238,00 KM/grlu
2. Uginuće junadi
u iznosu od 154,00 KM/grlu
3. Uginuće teleta
u iznosu od..... 126,00 KM/grlu
4. Uginuće ovce/ovna, koze/jarca
u iznosu od.....40,00 KM/grlu

Član 2.

Sredstva iz člana 1. ove Odluke isplaćivati će se na tekuće račune podnosioca zahtjeva, koji uz zahtjev prilože ovjerenu kopiju slijedeće dokumentacije: dokaz o vlasništvu, uvjerenje nadležne veterinarske službe o uginuću stoke, uvjerenje o neškodljivom ukupu leša na stočnom groblju u Kalesiji Gornjoj, izdato od strane JP "Veterinarska stanica" Kalesija i Zapisnik Sanitarnog inspektora o nadzoru neškodljivog uklanjanja leša životinje.

Član 3.

Na ime naknade za izvršene usluge ukupa uginule životinje na Stočnom groblju isplatiti će se JP "Veterinarska stanica" Kalesija, i to za pozicije br 1. 2. i 3. u iznosu od 60,00 KM po jednom grlu i za pozicije br. 4. i 5. u iznosu od 20,00 KM po jednom grlu.

Isplata će se vršiti mjesečno na osnovu ispostavljene fakture od strane JP "Veterinarska stanica" Kalesija i spiska vlasnika uginule životinje.

Član 4.

Za realizaciju ove Odluke zadužuje se Služba za privredu i budžet.

Član 5.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
Tuzlanski kanton
Općina Kalesija
Općinsko vijeće
Broj: 01-04-2-771/23
Datum: 24.02.2023.godina

PREDSJEDAVALA
OPĆINSKOG VIJEĆA

Damir Džafić, dipl.ecc. s.r.

29

Na osnovu člana 4. Zakona o ministarskim, vladinim i drugim imenovanjima ("Sl. novine FBiH", broj: 12/03 i 34/03), člana 13. Zakona o principima lokalne samouprave u Federaciji BiH ("Sl. novine FBiH", broj 49/06 i 51/09), člana 42. Statuta općine Kalesija - Prečišćeni tekst ("Sl. glasnik općine Kalesija" broj: 10/07, 7/08, 10/11, 3/12 i 6/13) i člana 7. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona ("Sl. novine Tuzlanskog kantona" broj: 11/19), Općinsko vijeće Kalesija na sjednici održanoj 23.02.2023.godine,
d o n o s i

ODLUKU

**davanju prethodne saglasnosti za razrješenje
predsjednika i utvrđivanju prijedloga kandidata
za imenovanje predsjednika Nadzornog odbora
JP "Veterinarska stanica" d.o.o. Kalesija**

Član 1.

Ovom Odlukom daje se prethodna saglasnost Skupštini Javnog preduzeća "Veterinarska stanica" d.o.o. Kalesija za razrješenje predsjednika i utvrđuju prijedlog kandidata za imenovanje predsjednika Nadzornog odbora, kako slijedi:

- a) Razrješava se predsjednik Nadzornog odbora JP "Veterinarska stanica" d.o.o. Kalesija, na lični zahtjev:
 - Miralem Huremović, sin Osmana iz Prnjavora
- b) Utvrđuju se prijedlog kandidata za imenovanje predsjednika Nadzornog odbora JP "Veterinarska stanica" d.o.o. Kalesija:
 - Jasminka Mujkanović, kći Envera iz Babine Luke

Član 2.

U skladu sa ovom Odlukom Skupština Javnog preduzeća "Veterinarska stanica" d.o.o. Kalesija će donijeti Odluku o razrješenju predsjednika i Odluku o imenovanju predsjednika Nadzornog odbora.

Član 3.

Predsjednik Nadzornog odbora iz člana 1. ove odluke, imenuju se do okončanja postupka kojim će se izvršiti konačno imenovanje

predsjednika Nadzornog odbora JP "Veterinarska stanica" d.o.o. Kalesija na način i u postupku propisanim Zakonom o ministarskim, vladinim i drugim imenovanjima ("Sl. novine FBiH", broj: 12/03 i 34/03), a najduže tri mjeseca od stupanja na snagu Odluke Skupštine JP "Veterinarska stanica" d.o.o. Kalesija iz prethodnog člana.

Član 4.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
Tuzlanski kanton
Općina Kalesija
Općinsko vijeće
Broj: 01-04-2-773/23
Datum: 24.02.2023. godine

PREDSJEDAVAJUĆI
OPĆINSKOG VIJEĆA
Damir Džafić, dipl.ecc. s.r.

30

Na osnovu člana 12. Zakona o ministarskim, vladinim i drugim imenovanjima ("Sl. novine FBiH" broj: 12/03, 34/03 i 65/13), člana 13. Zakona o principima lokalne samouprave ("Sl. novine FBiH" broj: 49/06 i 51/09), člana 42. Statuta općine Kalesija - prečišćeni tekst ("Sl. glasnik općine Kalesija" broj: 10/07, 7/08, 10/11, 3/12 i 6/13) i člana 2. Odluke o utvrđivanju standarda, kriterija i postupka imenovanja na pozicije u reguliranim organima općine Kalesija ("Sl. glasnik općine Kalesija" broj: 9/15 i 3/16), Općinsko vijeće Kalesija na sjednici održanoj 23.02.2023. godine, d o n o s i:

ODLUKU

o davanju prethodne saglasnosti Skupštini Javnog preduzeća „Vodovod i kanalizacija Kalesija“ d.o.o. Kalesija za imenovanje člana Nadzornog odbora Javnog preduzeća „Vodovod i kanalizacija Kalesija“ d.o.o. Kalesija

Član 1.

Daje se prethodna saglasnost Skupštini Javnog preduzeća „Vodovod i kanalizacija Kalesija“ d.o.o. Kalesija za imenovanje člana Nadzornog odbora:

1. Hajrija Šehić – član

Član 2.

Član Nadzornog odbora imenuju se na period od četiri godine.

Član 3.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
Tuzlanski kanton
Općina Kalesija
Općinsko vijeće
Broj: 01-04-2-774/23
Datum: 24.02.2023. godine

PREDSJEDAVAJUĆI
OPĆINSKOG VIJEĆA
Damir Džafić, dipl.ecc. s.r.

31

Na osnovu člana 12. Zakona o ministarskim, vladinim i drugim imenovanjima ("Sl. novine FBiH" broj: 12/03, 34/03 i 65/13), člana 13. Zakona o principima lokalne samouprave ("Sl. novine FBiH" broj: 49/06 i 51/09), člana 42. Statuta općine Kalesija - prečišćeni tekst ("Sl. glasnik općine Kalesija" broj: 10/07, 7/08, 10/11, 3/12 i 6/13) i člana 2. Odluke o utvrđivanju standarda, kriterija i postupka imenovanja na pozicije u reguliranim organima općine Kalesija ("Sl. glasnik općine Kalesija" broj: 9/15 i 3/16), Općinsko vijeće Kalesija na sjednici održanoj 23.02.2023. godine, donosi:

ODLUKU

o davanju prethodne saglasnosti Skupštini KP „KOMUNALAC“ DD Kalesija za imenovanje predsjednika Nadzornog odbora KP „KOMUNALAC“ DD Kalesija

Član 1.

Daje se prethodna saglasnost Skupštini KP „KOMUNALAC“ DD Kalesija za imenovanje predsjednika Nadzornog odbora:

1. Hidajet Sakić - predsjednik

Član 2.

Predsjednik Nadzornog odbora imenuju se na period od četiri godine.

Član 3.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina

Federacija Bosne i Hercegovine

Tuzlanski kanton

Općina Kalesija

Općinsko vijeće

Broj: 01-04-2-775/23

Datum: 24.02.2023. godine

PREDSJEDAVALAČI
OPĆINSKOG VIJEĆA

Damir Džafić, dipl.ecc. s.r.

32

Na osnovu člana 13. stav 1. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06 i 51/09) i člana 42. Statuta općine Kalesija – Prečišćeni tekst („Sl. glasnik općine Kalesija“, broj 10/07, 7/08, 10/11, 3/12 i 6/13), Općinsko vijeće Kalesija na sjednici održanoj dana 23.02.2023. godine, donosi

PLAN PROLJETNE SJETVE ZA 2023. GODINU

1. UVOD

Područje Općine Kalesija pripada brdskom regionu iako više od 40% površine područja čini ravničarski dio Gornjeg Sprečkog polja a preostali dio područja po svojim karakteristikama pripada brdskom području sjeverosjeverne Bosne.


Općina Kalesija raspolaže veoma značajnim resursima za intenzivan razvoj poljoprivrede tako da poljoprivreda, kao grana privrede u strateškim razvojnim dokumentima Općine Kalesija, ima prioritetno mjesto. Osamdesetih i devedesetih godina prošlog stoljeća ovo područje je bilo jedno od najznačajnijih poljoprivrednih krajeva u kojima je bio vidljiv intenzivni rast ove privredne grane.

Dužina Gornjeg Sprečkog polja koje se provlači područjem Općine iznosi oko 16,5 km a obuhvata oko 10.000,00 ha poljoprivrednog zemljišta gdje u veoma velikom procentu (oko 93,00%) dominira obradiva površina.

S aspekta kvaliteta poljoprivrednog zemljišta, najviše su zastupljena zemljišta IV, V i VI bonitetne klase sa 70%, dok je udio najkvalitetnijeg zemljišta od I-III bonitetne kategorije 30%, što zahtijeva provođenje agrotehničkih i hidrotehničkih mjera u cilju poboljšanja proizvodnih sposobnosti zemljišta. Struktura zemljišta općine Kalesija

pokazuje da postoje značajne mogućnosti za razvoj poljoprivredne djelatnosti, posebno u područjima ratarstva i voćarstva.

Analizirajući prethodne periode može se zaključiti da je posljednjih nekoliko godina u strukturi zasijanih površina najveći procenat zastupljenosti žitarica (pšenica, ječam, zob, kukuruz-zrno) koji iznosi oko 45,00 %, zatim stočno-krmno bilje (djetelina, lucerka, kukuruz-silaža) u procentu od oko 42,00% i povrtno bilje (krompir, grah, luk, paradajz, parika) u procentu od oko 13,00 %.



Poljoprivrednom proizvodnjom se pored pravnih lica koja su registrovana na području Općine Kalesija, kao što su: Farma „Spreča“ d.o.o. Vukovije Donje, DSO Farma „Selmanović“, DSO Farma „Jajić“ Vukovije Donje, DSO Farma „Hercegovac“ Vukovije Donje, DSO Farma „Požegić“ Vukovije Donje, „Namještaj Smajić“ d.o.o. i DSO Farma „Čajto“ Jajići, sve više bave poljoprivredni proizvođači registrovani kao obrti i poljoprivredna gazdinstva, iz čega proizilazi da su oni sa svojim proizvodima sve više prisutni na tržištu.

2. PREGLED REALIZACIJE PROLJETNE SJETVE U 2022. GODINI

Potencijali poljoprivredne proizvodnje na području općine Kalesija su veliki i ogledaju se u povoljnim agroklimatskim uvjetima, gajenju velikog broja različitih poljoprivrednih kultura, kvalitetnom i nekontaminiranom poljoprivrednom zemljištu, proizvodima visoke kvalitete i tradiciji proizvodnje, znanju i zalaganju poljoprivrednih proizvođača.

I pored svega pobrojanog, poljoprivredni potencijali još uvijek nisu u potpunosti iskorišteni što je posljedica većeg broja različitih faktora.

Kako je i ranije navedeno, najznačajnije mjesto u biljnoj proizvodnji zauzima proizvodnja žitarica, i to kukuruz koji je osnovna kultura koja se koristi u ishrani stoke, zatim proizvodnja krmnog bilja, te povrtnog bilja.

Rukovodeći se informacijama koje su prikupljene putem određenih aktivnosti uposlenih u Službi za privredu i budžet Općine Kalesija (RPG, poticaji, broj stanovnika i td.) u niže prezentiranoj tabeli su prikazane površine koje su planirane i obrađene u 2022. godini:

Red. broj	Sjetvena struktura	Planirano u 2022.godini (ha)	Ostvareno u 2022.godini (ha)
(1)	(2)	(3)	(4)
1.	Ječam jari	10,00	8,00
2.	Zob jara	10,00	10,00
3.	Kukuruz za zrno	3.200,00	2.100,00
4.	Kukuruz za silažu	2.850,00	2.300,00
5.	Djetelina	120,00	100,00
6.	Lucerka	200,00	150,00
7.	DTS	500,00	200,00
8.	Duhan	0,00	0,00
9.	Krompir	1.000,00	700,00
10.	Grah	80,00	50,00
11.	Luk crni	70,00	60,00
12.	Luk bijeli	10,00	10,00

Tabela 1 – Plan proljetne sjetve i realizacija za 2022. godinu

Plan proljetne sjetve za 2022. godinu je usvojen od strane Općinskog vijeća na sjednici održanoj dana 27.01.2022. godine i objavljen je u Službenom glasniku Općine Kalesija dana 07.02.2022. godine sa podacima navedenim u predhodnoj tabeli – Tabela 1. (Kolona 3: Planirano u 2022. godini – ha).

Na osnovu prikupljenih informacija (prijave za poticaj, RPG i sl.) izrađena je realizacija proljetne sjetve u 2022. godini koja je prikazana, također, u Tabeli 1. (Kolona 4: Ostvareno u 2022. godini – ha).

Navedeni podaci, kada je u pitanju realizacija proljetne sjetve u 2022. godini, dobiveni su, kako je gore i navedeno, na osnovu registracije poljoprivrednika i njihovih prijave za poticaje ali i na osnovu drugih pokazatelja imajući u vidu

činjenicu da postoje određeni kriteriji za prijavu poticaja, odnosno uslovi koji se moraju ispuniti da bi se poljoprivredni proizvođači mogli prijaviti za određeni poticaj. Kao jedni od kriterija su površina obradivog zemljišta, broj grla koji se posjeduje, minimalna površina plastenika itd.

Kao osnovni pokazatelji za realizaciju proljetne sjetve uzeti su broj stanovnika, odnosno domaćinstava, površina zakupljenog poljoprivrednog zemljišta i broj grla (stočnog fonda) na području općine Kalesija.

Imajući u vidu činjenicu da na području općine Kalesija ima 28 naselja, od čega je samo jedno urbano naselje, u kojima je nastanjeno 9.781 domaćinstvo, prilikom izrade realizacije proljetne sjetve korišten je podatak da se cca. 7.300 domaćinstava bavi, u većoj ili manjoj mjeri, poljoprivrednom proizvodnjom (oko 25% domaćinstava se uopće ne bavi poljoprivrednom proizvodnjom).

Na osnovu Javnog poziva izvršena je dodjela poljoprivrednog zemljišta u zakup, kojom prilikom je dodijeljeno 1.882,30 ha iz čega proizilazi da je dodijeljeno 91,82% od ukupne površine Sprečkog polja.

U toku 2022. godine je i prijavljeno 2.446,00 ha obradivih površina od strane poljoprivrednih proizvođača iz čega se može zaključiti da se i znatan dio privatnih manjih parcela koristi za poljoprivrednu proizvodnju.

Uzgoj grla na području Općine Kalesija, kao pokazatelj obrađenih površina poljoprivrednog zemljišta, koristi se na način da se polazi od pretpostavke kolika je površina poljoprivrednog zemljišta neophodna za ishranu određene vrste grla-stoke (ha/kom).

3. PLANIRANE POVRŠINE ZA OBRADIVANJE U OKVIRU PROLJETNE SJETVE U 2023. GODINI

Rukovodeći se statističkim podacima (www.statistika.ba) prema popisu iz 2013. godine na području općina Kalesija ima 33.053 stanovnika, odnosno 9.781 domaćinstvo sa prosjekom od 3,4 člana/domaćinstvu, naseljenih u 28 naselja (1 urbano i 27 ruralnih).

Poljoprivredno zemljište u skladu sa Prostornim planom Općine Kalesija obuhvata površinu od 10.610,25 ha čija je namjena utvrđena na osnovu karte upotrebne vrijednosti poljoprivrednog zemljišta.

Navedena površina poljoprivrednog zemljišta sastoji se od cca 10.000,00 ha obradive površine (oranice i bašte, voćnjaci i livade) i cca 600,00 ha pašnjaka, tritaca i bara. Od ukupne obradive površine na oranice i bašte se odnosi 57,00% dok preostalih 43,00 % se odnosi na voćnjake i livade.

Planiranje proljetne sjetve za 2023. godinu temelji se na tri osnovna pokazatelja, a to su:

1. površina poljoprivrednog zemljišta
2. broj stanovnika/domaćinstava na području općine Kalesija
3. broj grla (stočni fond) na području općine Kalesija

Posmatrajući površinu poljoprivrednog zemljišta, koja se sastoji od Sprečkog polja i privatnih parcela zaključuje se da se obrađuje veliki procent poljoprivrednog zemljišta. Naime, od ukupne površine Sprečkog polja, koja iznosi 2.050,00 ha, dodijeljeno je u zakup 1.882,30 ha što je 91,82 % od ukupne površine kao i veliki procent privatnih parcela temeljen na prijavama za 2023. godinu kao i manjim površinama parcela koje se ne prijavljuju u RPG kod nadležne Općinske službe.

Po evidencijama Službe za privredu i budžet, u 2023. godini, za obrađivanje poljoprivrednog zemljišta je prijavljena ukupna površina od 2.647,50 ha. S obzirom da je poljoprivredna proizvodnja i dalje u određenoj mjeri organizovana na manjim parcelama u privatnom posjedu, dosadašnje analize pokazuju, a na bazi kriterija za opravdanost prijavljivanja obradive površine nadležnoj Službi, da je prijavljena površina oko 40,00 % od ukupne površine poljoprivrednog zemljišta koja se obrađuje.

Od ukupnog broja naseljenih mjesta, 27 je ruralnih u kojima se veliki procent domaćinstava bavi poljoprivrednom proizvodnjom, uglavnom na manjim parcelama-površinama koje su u privatnom vlasništvu. Također, posmatrajući promjene na tržištu, uslovljene prije svega ratom u Ukrajini, pretpostavka je da će u narednom periodu doći do povećanja obima poljoprivredne proizvodnje na području općine.

Ipak, kada posmatramo broj stanovnika/broja domaćinstava moramo imati na umu da se određeni procent stanovnika uopće ne bavi niti jednim vidom poljoprivredne proizvodnje kao i pokazatelje da je posljednjih nekoliko godina tendencija odlaska stanovništva iz Bosne i Hercegovine, pa tako i iz naše općine, u zemlje Evropske unije.

Prikupljeni podaci pokazuju da se oko 20,00 % domaćinstava uopće ne bavi poljoprivrednom

proizvodnjom a da je prema statističkim podacima nešto više od 4,00% stanovništva odselilo sa područja naše općine.

Iz naprijed navedenog proizilazi da se oko 75,00% domaćinstava bavi poljoprivrednom proizvodnjom, što iznosi 7.335 domaćinstava, odnosno oko 24.939,00 stanovnika.

Uzimajući broj grla kao pokazatelj neophodan za planiranje proljetne sjetve, prije svega, uzet je u obzir broj prijavljenih grla za poticaj što i čini izrazito veliki procent u ukupnom broj grla koja se nalaze u vlasništvu poljoprivrednih proizvođača na području Općine Kalesija.

Dostavljene prijave, za 2023. godinu, Službi za privredu i budžet, pokazuju sljedeće stanje broja grla:

- Krave.....3.352 grla
- Junice.....1.437 grla
- Sistem krava-tele.....75 grla
- Tov junadi.....487 grla
- Rasplodne ovce.....2.877 grla
- Proizvodnja pilećeg mesa.....1.264.000 kljun

Iz predhodno navedenih informacija, kao i drugih analiza, u niže prezentiranoj tabeli su navedene površine određenih poljoprivrednih kultura koje se planiraju zasijati na području naše općine, u toku 2023. godine:

R. br.	Sjetvena struktura	Planirana površina u 2023. godini (ha)
(1)	(2)	(3)
1.	Ječam jari	9,00
2.	Zob jara	10,00
3.	Kukuruz za silažu	2.580,00
4.	Kukuruz za zrno	2.300,00
5.	Djetelina	110,00
6.	Lucerka	165,00
7.	DTS	200,00
8.	Krompir	780,00
9.	Grah	55,00
10.	Luk crni	65,00
11.	Luk bijeli	11,00
12.	Kupus	10,00
13.	Paradajz	55,00
14.	Paprika	55,00
15.	Krastavac	80,00
16.	Soja	30,00
17.	Ostalo povrće	40,00
18.	Ostalo krmno bilje	40,00
	Ukupno	6.595,00

Tabela 2 – Plan proljetne sjetve za 2023. godinu

U nastavku su ukratko obrazloženi načini izračunavanja sjetvenih površina za navedene kulture u 2023. godini a koji se odnose na tri osnovna pokazatelja koja su ranije navedena.

Površina poljoprivrednog zemljišta, po prijavama za poticaje iznosi 2.647,50 ha što je za 201,50 ha ili 8,24% više nego u 2022. godini.

Površina ukupnog poljoprivrednog zemljišta nije iskorištena u potpunosti, bilo zbog nekvalitnog zemljišta, nepristupačnosti zemljištu, neriješenih imovinskih odnosa i sl. i procenat takvog, neiskorištenog, zemljišta po procjenama je oko 30,00% od ukupne površine poljoprivrednog zemljišta na području općine Kalesija.

Broj stanovnika, odnosno domaćinstava je korišten u najvećoj mjeri za procjenu obradivih površina koje se odnose na sjetvene strukture koje se uglavnom proizvode u domaćinstvima za vlastitu upotrebu ili lokalno tržište, kao što su krompir, grah, luk, paradajz i sl.

Kako je predhodno i utvrđeno imamo oko 7.335 domaćinstava koja se u većoj ili manjoj mjeri bave poljoprivrednom proizvodnjom te ukoliko polazimo od činjenice da u prosjeku svako domaćinstvo zasije oko 70,00 m² određene vrste povrća dolazimo do podatka da je prosječna površina zemljišta za sijanje povrtnog bilja, po domaćinstvu, 51,35 ha.

Kada je u pitanju broj grla kao pokazatelj za Plan proljetne sjetve u 2023. godini, osnov za izračunavanje planiranih površina je bio faktor koji pokazuje koja površina zemljišta je neophodna za ishranu pojedinih vrsta stoke. Na osnovu tih faktora predviđene su određene površine i to za one kulture koje se uglavnom koriste za ishranu stočnog fonda a broj grla koji se koristio u izračunavanju je broj koji su poljoprivredni proizvođači prijavili kod nadležne Službe.

Ukupna površina predviđena na osnovu prijavljenog broja grla je sljedeća:

R. br.	Naziv	Broj grla	Faktor (ha/grlu)	Površina (ha)
(1)	(2)	(3)	(4)	(5) = 3x4
1.	Krave	3.352	1,00	3.352,00
2.	Junice	1.437	0,70	1.005,90
3.	Sistem krava-tele	75	0,75	56,25
4.	Tov junadi	487	0,50	243,50
5.	Rasplodne ovce	2.877	0,15	431,55
6.	Proizvodnja pilećeg mesa	1.264.000	0,0007	884,80
	Ukupno:			5.974,00

Iz prezentiranog izračunavanja površine poljoprivrednog zemljišta planirane za proljetnu sjetvu zaključuje se da je ukupna planirana površina

manja za 621,00 ha ili 9,40% što je i opravdano imajući u vidu činjenicu da znatan dio domaćinstava/poljoprivrednih proizvođača ne ispunjavaju propisane kriterije za poticaje i iz tih razlog ne prijavljuju grla koja posjeduju.

4. PLAN POTREBNIH REPRMATERIJALA ZA PROLJETNU SJETVU

Proljetna sjetva je jedan od najopsežnijih poslova u poljoprivrednoj proizvodnji te zahtijeva maksimalan angažman sredstava, ljudi i strojeva. Nastojeći da predstojeća sjetva bude što kvalitetnija, uvažavajući agrotehničke rokove i pripreme za proljetne radove u poljoprivredi neophodna je pomoć državnih institucija, prije svega iz razloga povećanja cijena repromaterijala.

Da bi realizacija Plana proljetne sjetve za 2023. godinu bila uspješna potrebno je obezbijediti dovoljne količine repromaterijala/sjemena utvrđene na bazi planskih površina sjetvenih struktura na području općine Kalesija a što je prikazano u narednoj tabeli:

R. br.	Vrsta repromaterijala i sjemena	Sjetvene površine (ha)	Utrošak sjemena i repromaterijala na 1 ha	Ukupna količina sjemena i repromaterijala	Cijena po jedinici mjere	Ukupno (KM)
(1)	(2)	(3)	(4)	(5) = 3x4	(6)	(7) = 5x6
1	Kukuruz	4.880,00	20,00	97.600,00	9,00	878.400,00
2	Zob i ječam	19,00	150,00	2.850,00	1,65	4.702,50
3	Krmno bilje	515,00	30,00	15.450,00	8,50	131.325,00
4	Krompir	780,00	2.500,00	1.950.000,00	1,60	3.120.000,00
5	Grah	55,00	150,00	8.250,00	7,00	57.750,00
6	Crni luk	65,00	600,00	39.000,00	4,50	175.500,00
7	Bijeli luk	11,00	350,00	3.850,00	10,00	38.500,00
8	Ostalo povrće	270,00	3,00	810,00	300,00	243.000,00
						4.649.177,50
9.	NPK đubrivo	6.595,00	300,00	1.978.500,00	2,00	3.957.000,00
10	KAN 27%	6.595,00	150,00	989.250,00	2,00	1.978.500,00
11	Dizel gorivo	6.595,00	50,00	329.750,00	2,86	943.085,00
12	Ulje i mazivo	6.595,00	4,00	26.380,00	6,00	158.280,00
13	Herbicidi	2.110,00	3,00	6.330,00	22,00	139.260,00
14	Insekticidi	2.110,00	2,00	4.220,00	45,00	189.900,00
15	Fungicidi	2.110,00	2,00	4.220,00	30,00	126.600,00
						7.492.625,00
	Ukupno:					12.141.802,50

Tabela 3 – Pregled neophodnih novčanih sredstava za proljetnu sjetvu 2023. Godine

Iz prezentiranih podataka u Tabeli 3 je vidljivo da su za obezbjeđenje neophodnih količina repromaterijala/sjemena potrebna sredstva u iznosu od 12.141.802,50 KM.

Podrška uspješnoj realizaciji proljetne sjetve može se ogledati i kroz aktivnosti vezane za ispunjavanje određenih preduslove kao što su:

- Obezbijediti kvalitetno sjeme i sadni materijal sa odgovarajućim porijeklom, certifikatom, fitopatološkim uvjerenjem i sortnoj čistoći.
- Obezbijediti ostale repromaterijale za sjetvu (mineralna đubriva, zaštitna sredstva, gorivo i mazivo)
- Iznaći novčana sredstva za proljetnu sjetvu i plasirati ih putem grantova ili kredita uz odgovarajuću kamatnu stopu i povoljan grace period.
- Blagovremeno obezbijediti neophodne rezervne dijelove za mehanizaciju (traktori i priključna oruđa), po planu nabavki kod poljoprivrednih proizvođača.
- Maksimalno angažovanje svih raspoloživih resursa kako bi se proizvelo što više zdrave hrane.
- Izvršiti sjetvu u optimalnim agrotehničkim rokovima
- Organizovati otkup tržišnih viškova poljoprivrednih proizvoda

5. OČEKIVANA PROIZVODNJA/PRINOS OD PROLJETNE SJETVE U 2023. GODINI

Uvažavajući sve naprijed navedeno, očekivana proizvodnja, odnosno prinos žitarica, povrtnog i krmnog bilja od planirane proljetne sjetve u 2023. godini navedena je u niže prezentiranoj tabeli kao prosječan prinos određenih sjetvenih struktura izraženih u tonama (t) po jednom hektaru (ha).

R. br.	Sjetvena struktura	Planirana površina u 2023. godini (ha)	Prosječan prinos (t/ha)	Ukupna proizvodnja/prinos (t)
(1)	(2)	(3)	(4)	(5) = 3x4
1.	Ječam jari	9,00	3,60	32,40
2.	Zob jara	10,00	3,20	32,00
3.	Kukuruz za silažu	2.580,00	5,00	12.900,00
4.	Kukuruz za zrno	2.300,00	5,00	11.500,00
5.	Krompir	780,00	8,00	6.240,00
6.	Grah	55,00	1,80	99,00
7.	Luk crni	65,00	6,00	390,00
8.	Luk bijeli	11,00	2,50	27,50
9.	Kupus	10,00	12,00	120,00
10.	Paradajz	55,00	6,00	330,00
11.	Paprika	55,00	5,00	275,00
12.	Krastavac	80,00	7,00	560,00
13.	Ostalo krmno bilje	585,00	4,00	2.340,00
	Ukupno	6.595,00		

Realizaciju Plana proljetne sjetve u 2023. godini će pratiti Služba za privredu i budžet.

Bosna i Hercegovina

Federacija Bosne i Hercegovine

Tuzlanski kanton

Općina Kalesija

Općinsko vijeće

Broj: 01-04-740/23

Datum: 24.02.2023.godine

PREDSJEDAVAJUĆI
OPĆINSKOG VIJEĆA

Damir Džafić, dipl.ecc. s.r.

33

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08, 10/11 i 9/16), Općinsko vijeće Kalesija, na 19. redovnoj sjednici, održanoj 23.02.2023.godine, donijelo je sljedeći

ZAKLJUČAK

I

Usvaja se Izvještaj o rješavanju upravnih stvari u upravnom postupku općinskih službi za upravu – općine Kalesija za period 01.01.2022.godine do 31.12.2022. godine.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
Tuzlanski kanton
Općina Kalesija
Općinsko vijeće
Broj: 01-04-741/23
Datum, 24.02.2023. godine

PREDSJEDAVAJUĆI
OPĆINSKOG VIJEĆA

Damir Džafić, dipl.ecc. s.r.

35

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08, 10/11 i 9/16), Općinsko vijeće Kalesija, na 19. redovnoj sjednici, održanoj 23.02.2023. godine, donijelo je sljedeći

34

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08, 10/11 i 9/16), Općinsko vijeće Kalesija, na 19. redovnoj sjednici, održanoj 23.02.2023. godine, donijelo je sljedeći

Z A K L J U Č A K**I**

Prihvata se Informacija o stanju u osnovnom i srednjem obrazovanju sa pregledom uspjeha učenika na polugodištu školske 2022/2023 godine.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
Tuzlanski kanton
Općina Kalesija
Općinsko vijeće
Broj: 01-04-743/23
Datum, 24.02.2023. godine

PREDSJEDAVAJUĆI
OPĆINSKOG VIJEĆA

Damir Džafić, dipl.ecc. s.r.

Z A K L J U Č A K**I**

Prihvata se Informacija o boravku raseljenih lica i ostvarenom povratku na području općine Kalesija u 2022.godini.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
Tuzlanski kanton
Općina Kalesija
Općinsko vijeće
Broj: 01-04-744/23
Datum, 24.02.2023. godine

PREDSJEDAVAJUĆI
OPĆINSKOG VIJEĆA

Damir Džafić, dipl.ecc. s.r.

36

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08, 10/11 i 9/16), Općinsko vijeće Kalesija, na 19. redovnoj sjednici, održanoj 23.02.2023. godine, donijelo je slijedeći

Z A K L J U Č A K

I

Prihvata se Informacija o stanju u cesta na području Općine Kalesija sa osvrtom na pokazatelje bezbjednosti saobraćaja.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
Tuzlanski kanton
Općina Kalesija
Općinsko vijeće
Broj: 01-04-742/23
Datum, 24.02.2023. godine

PREDSJEDAVALAČ
OPĆINSKOG VIJEĆA
Damir Džafić, dipl.ecc. s.r.

37

Bosna i Hercegovina
Federacija Bosne i Hercegovine
Tuzlanski kanton
Općina Kalesija
Općinsko vijeće
Broj: 01-04-742/23
Datum, 24.02.2023. godine

Općinsko vijeće Kalesija na 19. redovnoj sjednici održanoj 23.02.2023. godine, razmatrajući 9. tačku dnevnog reda "Razmatranje i prihvatanje Informacije o stanju cesta na području općine Kalesija sa osvrtom na pokazatelje bezbjednosti saobraćaja", a povodom smrtnog ishoda saobraćajne nesreće, donijelo je sledeće

ZAKLJUČKE

- Stanje cesta na području općine Kalesija sa akcentom na stanje magistralnih i regionalnih cesta sa aspekta saobraćajnog opterećenja, frekvencije i tehničkog stanja cesta nije ni blizu zadovoljavajućeg nivoa. Dokaz za ovu ocjenu su pokazatelji stanja bezbjednosti i trend porasta broja saobraćajnih nesreća kao i vrijednosti šteta nastalih u njima a naročito trend rasta broja lica i broja smrtno stradalih lica u saobraćajnim nesrećama koji je 2-3 puta veći u odnosu na pokazatelje EU.

Prema analiziranim statističkim podacima jasno je da je čovjek najčešći uzročnik saobraćajne nesreće, zatim tehničko stanje ceste i opreme ceste, tehničko stanje vozila i drugi okolišni i vanjski faktori te stoga predlažemo:

Opšte mjere i saobraćajno tehničke mjere za povećanje bezbjednosti saobraćaja na regionalnim i magistralnim cestama na području općine Kalesija.

- I. Usvojiti strateški dokument razvoja regionalnih cesta Tuzlanskog kantona za naredni desetogodišnji period.
(Inicijativa upućena Vladi TK jer dosadašnji strateški dokument ističe ove 2023. godine)
- II. Donijeti Pravilnik o načinu definisanja i identifikaciji opasnih mjesta, načinu i kriterijumima za utvrđivanje prioriteta i otklanjanje opasnih mjesta.
(Inicijativa upućena Vladi TK).
- III. Na već identifikovanim opasnim mjestima (mjesta sa velikim materijalnim štetama, najveći broj smrtno stradalih lica, učestalost s/n i drugo) treba izvršiti adekvatne tehničke rekonstruktivne zahvate i postavljanjem adekvatne prometne signalizacije i novih tehnologija koje opraštaju vozačima pogreške te ukoliko dođe do iste, cesta tehničkom izvedbom i opremom smanjuje mogućnost za smrtnu posledicu ili teže ozljede (poboljšanje kvalitete asfaltnog sloja, sukcesivni bočni usmjerivači opasnog zavoja-krivine, postavljanje radarskih pokazivača brzine sa žutim LED diodama koje šalju vozaču podatak o brzini kojom vozi i upozoravajuću trepteću poruku " **USPORI !**"
(Inicijativa upućena Operaterima JP Ceste FBiH i JU Direkcija regionalnih cesta TK)

IV. Od MUP-a TK kao nadležne instance za planiranje osiguranje i provođenje mjera bezbjednosti saobraćaja na cestama na području Tuzlanskog kantona tražiti da sistemskim aktivnostima i kampanjama u okviru nadležnosti obezbijede punu bezbjednost svih učesnika u saobraćaju sa ciljem smanjenja broja s/n u narednom periodu.

(Inicijativa upućena MUP TK i PU Kalesija)

V. Pošto je u dokumentu Srednjoročni program održavanja, zaštite, rekonstrukcije, izgradnje i obnove autocesta, brzih cesta i magistralnih cesta 2020.-2023. godina, JP Ceste FBiH iz 2019. godine bila planirana aktivnost na obezbjeđenju sredstava za projekat "Izgradnja obilaznice Kalesija" prema JP Ceste FBiH upućujemo, Inicijativu - da u cilju rasterećenja magistralne ceste Simin-Han-Međaš-Kalesija-entitetska granica u novom Programu projekat "Izgradnja obilaznice Kalesija" dobije prioritarno mjesto jer je postojeća magistralna cesta čitavom dužinom kroz Kalesiju markirana u ovom programu kao kritična dionica.

Zaključci - prema JP ceste Federacije F BiH:

1. Nastaviti izgradnju trotoara duž cijele trase magistralnog puta na području općine Kalesija dostavljena vam je projektna dokumentacija, tražimo od vas da u 2023. godini započnete izgradnju istih.
2. Da se u u 2023. godini pristupi izgradnji kružnih tokova u Hidanima i Kalesiji Gornjoj po dostavljenoj projektnoj dokumentaciji.
3. Rješavanje odvodnje površinskih voda - Na području općine Kalesija veliki problem predstavljaju kanali koji služe za odvodnju površinskih voda sa kolovozne konstrukcije, najizraženiji problem se nalazi na u naselju Babajići, tražimo da se hitno postupi na rješavanju ovog problema.

Ukoliko se ne pristupi realizaciji naprijed navedenih zaključaka u najkraćem mogućem roku, građani općine Kalesija zajedno sa predstavnicima općine Kalesija će izvršiti blokadu saobraćaja, poštujući Zakonom propisanu proceduru.

Zaključak - prema Vladi Tuzlanskog kantona:

1. Tražimo da se u Budžetu Tuzlanskog kantona obezbijede sredstva za za postavljanje minimalno četiri stacionirana radara, a iste postaviti na četiri najkritičnije saobraćajne dionice na području općine Kalesija.

Podaci o broju saobraćajnih nezgoda na području općine Kalesija sa podacima o povrijeđenim i poginulim licima, nastalom materijalnom štetom u periodu 2018- 2021 godina*

SAOBRAĆAJNE NEZGODE	2018. godina	2019. godina	2020. godina	2021. godina
Ukupan broj SN	171	167	177	186
Broj SN sa poginulim licima	4	0	1	1
Broj SN sa povrijeđenim licima	80	82	97	83
Broj SN sa materijalnom štetom	87	76	79	102
Broj poginulih lica	6	0	1	1
Ukupan broj povrijeđenih lica	147	163	152	128
Teško povrijeđena lica	12	6	16	8
Lakše povrijeđena lica	129	157	136	120

* (Informacija o stanju sigurnosti na području općine Kalesija iz oblasti kriminaliteta, bezbjednosti saobraćaja i javnog reda i mira, te provedenim propisima o oružju i prometu eksplozivnih materija PU Kalesija, razmatrane i usvojene na sjednicama Općinskog vijeća Kalesija).

**PREDSJEDAVAJUĆI
OPĆINSKOG VIJEĆA**

Damir Džafić, dipl.ecc. s.r.

OPĆINSKI NAČELNIK**38**

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj:02-04-2-789/23
Datum:24.02.2023. godine

Na osnovu člana 21 a. Zakona o zaštiti ličnih podataka ("Službeni glasnik BiH" broj 49/06, 76/11 i 89/11), čl 15. Zakona o principima lokalne samouprave u Federaciji BiH ("Sl. novine FBiH" br. 49/06 i 51/09) i člana 56. Statuta općine Kalesija - Prečišćeni tekst ("Sl. glasnik Općine Kalesija" br. 10/07, 7/08, 10/11, 3/12 i 6/13), Općinski načelnik, dana 24.02.2023. godine, d o n o s i

ODLUKU
o obavljanju video nadzora
prostorija Općine Kalesija

Član 1.

Ovom Odlukom reguliše način postavljanja i korištenja tehničkih uređaja za video nadzora na ulazu u zgradu Općine Kalesija, u hodnicima Općine Kalesija, Centru za pružanje usluga građanima, na zgradi Općine Kalesija, Matičnom uredu Tojšići, zgradi Vatrogasnog doma PVJ Kalesija i Sportskoj dvorani u Kalesiji (u daljem tekstu prostorije Općine Kalesija) i pravila obrade ličnih podataka putem video nadzora.

Član 2.

(1) Za prostorije iz čl.1.ove Odluke obrađivač je ovlašten koristiti tehničke uređaje za video nadzor.

(2) Obavještenje o obavljanju video nadzora prostorija iz čl.1.ove Odluke će biti postavljeno na ulazu (glavnim ulazima) u prostorije Općine Kalesija tako da je vidljivo svim osobama koje koriste prostorije Općine Kalesija po bilo kojem osnovu.

(3) Na obavještenju se nalazi slika kamere i jasno vidljiv natpis "Općina Kalesija - OBJEKAT POD VIDEO NADZOROM" i kontakt podaci putem kojeg se mogu dobiti podaci o video nadzoru (web stranica Općine).

Član 3.

Svrha video nadzora je zaštita ljudi i imovine te poboljšanje organizacije rada i ispunjavanje zakonskih obaveza.

Član 4.

(1) Općina Kalesija će snimke nastale korištenjem aplikacije za video nadzor čuvati na uređaju za čuvanje video zapisa, obrađivati i koristiti u skladu sa Zakonom o zaštiti ličnih podataka, kao i propisima koji reguliraju zaštitu ličnih podataka.

(2) Nastali snimci mogu se kopirati ili na drugi način elektronski obrađivati zbog efikasnosti organa uprave, kao i u slučajevima dokazivanja u određenim postupcima (npr. disciplinski, prekršajni, krivični i sl.) ili kod utvrđivanja moguće materijalne odgovornosti.

Član 5.

(1) Obrada ličnih podataka putem video nadzora vrši se u obliku video zapisa koji sadrži: sliku, datum i vrijeme nastanka video zapisa.

(2) Tehnički uređaji za video nadzor će se postaviti na adekvatna vidljiva mjesta, a na osnovu organizacijskih i bezbjednosnih potreba, te tehničkih mogućnosti.

Član 6.

(1) Kontrolu, način i vrstu korištenja podataka koji se prikupljaju video nadzorom vršit će Općinski načelnik ili drugo lice kojeg Općinski načelnik ovlasti.

(2) Video zapis se čuva minimalno 15 dana od dana nastanka nakon čega se briše.

(3) Video zapis može se dostaviti na zahtjev, policijskih organa, sigurnosnih i istražnih agencija, suda i tužilaštva, o kojem odlučuje Općinski načelnik.

Član 7.

Ova Odluka stupa na snagu danom donošenja i ista će biti objavljena u "Službenom glasniku Općine Kalesija".

OPĆINSKI NAČELNIK

Sead Džafić,dipl.ecc. s.r.

S a d r ž a j

OPĆINSKO VIJEĆE		Strana
25	Zaključak - Da se sa tekuće bužetske rezerve izdvoje i uplate sredstva u iznosu od 20.000,00 KM kao pomoć Republici Turskoj na ime saniranja šteta nastalih usljed razornog zemljotresa, koji je pogodio jugoistok zemlje dana 06.02.2023. godine.....	29
26	Odluka o pogodnostima za investiranje na području općine Kalesija za građenje poslovnih i proizvodnih objekta.....	29
27	Odluka o imenovanju Komisije za imenovanje Općinskog pravobranioca u Općinskom pravobranilaštvu Kalesija.....	31
28	Odluka o kriterijima i načinu dodjele finansijske pomoći licima na ime uginuća stoke	31
29	Odluka davanju prethodne saglasnosti za razrješenje predsjednika i utvrđivanju prijedloga kandidata za imenovanje predsjednika Nadzornog odbora JP "Veterinarska stanica" d.o.o. Kalesija	32
30	Odluka o davanju prethodne saglasnosti Skupštini Javnog preduzeća „Vodovod i kanalizacija Kalesija“ d.o.o. Kalesija za imenovanje člana Nadzornog odbora Javnog preduzeća „Vodovod i kanalizacija Kalesija“ d.o.o. Kalesija.....	33
31	Odluka o davanju prethodne saglasnosti Skupštini KP „KOMUNALAC“ DD Kalesija za imenovanje predsjednika Nadzornog odbora KP „KOMUNALAC“ DD Kalesija.....	33
32	Plan proljetne sjetve za 2023. godinu.....	34
33	Zaključak - Usvaja se Izvještaj o rješavanju upravnih stvari u upravnom postupku općinskih službi za upravu – općine Kalesija za period 01.01.2022.godine do 31.12.2022. godine.....	38
34	Zaključak - Prihvata se Informacija o stanju u osnovnom i srednjem obrazovanju sa pregledom uspjeha učenika na polugodištu školske 2022/2023 godine.....	39
35	Zaključak - Prihvata se Informacija o boravku raseljenih lica i ostvarenom povratku na području općine Kalesija u 2022.godini.....	39
36	Zaključak - Prihvata se Informacija o stanju u cesta na području Općine Kalesija sa osvrtom na pokazatelje bezbjednosti saobraćaja.	40
37	Zaključci po Informaciji o stanju cesta na području općine Kalesija sa osvrtom na pokazatelje bezbjednosti saobraćaja	40

OPĆINSKI NAČELNIK		Strana
38	Odluka o obavljanju video nadzora prostorija Općine Kalesija.....	42